


**1. Realiza:**

**a. Fai un esquema do liberalismo e o autoritarismo en Europa na 2ª metade do s. XIX.**



**b. Que é o “Destino manifesto”? Foi acadado?**

Era a idea de que os EEUU era unha nación elexida e estaba predestinada a expandirse dende a costa atlántica a costa do oceano pacífico.

**Que é a era Meiji?**

É o momento a finais do s. XIX en que Xapón, por orden do emperador, comeza a súa occidentalización en todos os ámbitos: económico, social, cultural, etc.

**2. Contesta.**

**b. Que dúas etapas hai na política internacional europea entre 1870 e 1914?**

As alianzas bismarckianas e a Paz Armada

**b. Cales eran os obxectivos da política exterior de Bismarck na 1ª desas etapas?**

O illamento de Francia e o equilibrio nos Balcáns.

**A que acordos chegou con outras potencias?**

A Dúplice Alianza con Austria-Hungría

A Entente dos Tres Emperadores co Imperio austro-húngaro e o Imperio ruso.

**c. Que sucede tras a morte de Guillerme I que da paso a segunda etapa?**

O novo monarca, Guillerme II, é partidario dunha política máis agresiva en Europa e de potenciar a expansión colonial alemá.

**3. Completa.**

Factores	Exemplo (só un)
<b>Factores económicos, sociais e demográficos</b>	Espazos en que investir os seus capitais, obter materias primas baratas e vender os seus produtos industriais. Territorios para o asentamento de parte da crecente poboación europea
<b>Factores políticos.</b>	Reino Unido procurou dominar enclaves nas rutas marítimas. Rusia tratou de encontrar unha saída a mares libres de xeos.
<b>Factores ideolóxicos.</b>	A raza branca era superior e isto lles daba dereito a dominar outros pobos.
<b>Factores científico, relixioso, de aventuras...</b>	O labor misioneiro da Igrexa católica e protestante. A curiosidade científica

#### 4. Completa e contesta.

a. Completa os cadros que faltan cos nomes das metrópoles e das colonias que lle correspondan.



#### b. Que é a conferencia de Berlín? Que dúas cuestións principais tratou?

Conferencia que reúne as principais potencias para solucionar os problemas en África, repartíndose case todo o continente africano.

Esta conferencia tratou de precisar quen tiña dereito a soberanía dunha rexión e quen prioridades, téndose en conta principalmente a cuestión do imperio continuo (Gran Bretaña, Francia, Portugal).

#### 5. Completa o cadro das principais formas de dominio colonial que existían.

Formas	Definición	Exemplos (2)
<b>Concesións.</b>	Territorios que <b>pertencían a un país independente</b> , pero nos que as potencias colonizadoras obtiñan <b>vantaxes comerciais</b> .	China, Persia...
<b>Dominios.</b>	<b>Territorios</b> de ultramar con <b>climas temperados e escasa poboación indíxena</b> nas que se instalaron <b>importantes continxentes de poboación inglesa</b> . <b>Ampla autonomía de goberno</b> , con institucións semellantes ás da metrópolo.	Canada, Australia, Nova Celandia...
<b>Colonias.</b>	Eran <b>territorios sometidos</b> á soberanía dunha metrópole e <b>administrados por esta</b> . A fórmula implicaba a perda da soberanía do país colonizado.	Congo Belga, Camerún, Angola...
<b>Protectorados.</b>	A <b>potencia colonial</b> controlaba a <b>política exterior e as riquezas</b> do país colonizado, mentres que <b>as autoridades nativas</b> se ocupaban da <b>política interior</b> .	Egipto, Marrocos...

Interpretar unha caricatura sobre o colonialismo




FAINO ASÍ

- 5 • Describe esta caricatura de 1895. Que potencias reparten o mundo entre elas?
- Que territorios desexa cada unha?
- Por que cres que o Reino Unido se limita a mirar?

6. Interpreta a caricatura respondendo as cuestións que aparecen debaixo.

- Alemania, Rusia e Gran Bretaña.
- Alemania parece interesada en África Oriental, Rusia no sur de Asia Afganistán ou Persia, Gran Bretaña solo mira.
- Mira por que xa ten o saco cheo, moitas colonias por todo o mundo

7. Observa e explica as imaxes que tes a continuación.



Conferencia de Berlín. Bismarck disposto a repartir África entre as potencias europeas



Factores ideolóxicos. John Bull (Gran Bretaña) y Tio Sam (EEUU) tiñan a misión de civilizar os pobos inferiores



Imperio continuo. Gran Bretaña (Cecil Rhodes) buscaba unir nun único imperio África de norte a sur, do Cairo a o Cabo.



Os barcos negros. Enormes barcos a vapor dos EEUU se presentan nas costas xaponesas e obrígalles a abrir varios portos ao comercio internacional.



Destino manifesto (a figura alegórica de branco) acompaña os colonos brancos na súa conquista do oeste.

## 8. A orixe da IªGM.

### a. Como se chaman e quen forman os dous bloques militares *previos a IªGM*?

- Tripla alianza: Alemaña, Austria e Italia (1882).
- Tripla entente: Francia, Rusia e o Reino Unido (1907).

### b. Cales foron as tres causas reais máis importantes para o inicio da IªGM ?

#### Que feito desencadeou a contenda?

O temor mutuo (carreira de armamentos), os intereses coloniais contrapostos e as ambicións nos Balcáns (Rusia e Austria).

Asasinato de Francisco Fernando.

### c. Enumera as novas armas que se utilizaron na 1ª guerra mundial.

Avións, submarinos e acoirazados, blindados e artillería, armas químicas e lanzachamas...

## 9. Completa. Crise do verán de 1914

O 28 de xuño de 1914, o herdeiro do Imperio austro-húngaro, o arquiduque **Francisco Fernando** e a súa esposa foron asasinados durante unha visita oficial a **Saraxevo** (Bosnia).

- O 23 de xullo, **Austria**, co apoio de Alemaña, deu un ultimato a **Serbia** ameazándoa coa guerra se non permitía investigar o asasinato.
- **Serbia**, que estaba apoiada por Rusia, rexeitou o ultimato o 25 de xullo.
- Tres días máis tarde o **Imperio austrohúngaro** declaroulle a guerra.
- **Rusia** iniciou a mobilización xeral en apoio de Serbia.
- **Alemaña** esixiulle que detivese as operacións. Ao non recibir resposta declaroulle a guerra, e despois a **Francia**.
- O **Reino Unido** declarou a guerra a Alemaña.
- **Italia** non entrou na guerra, o que rompía a Tripla Alianza.

Estalara a Primeira Guerra Mundial.

## 10. A IªGM.

Durou catro anos, de **1914** a **1918**, e nela pódense distinguir catro fases.

A guerra de **movimentos (1914)**

Os **alemáns** pretendían obter unha rápida vitoria sobre **Francia** para atacar despois Rusia (plan Schlieffen). Non obstante, foron detido na batalla do **Marne**.

A guerra de **posicións (1914-17)**

As **tácticas defensivas** dos exércitos (trincheiras, metralladoras, etc..) superaban as súas capacidades **ofensivas**, polo que as fronte se estabilizaron.

Construíronse quilómetros de **trincheiras**, onde os soldados pasaron meses en condicións durísimas.

Os alemáns intentaron romper a fronte occidental na batalla de Verdún e os británicos na batalla do Somme.

O **ano decisivo: 1917**

A fronte rusa derrubouse polo estalido da **Revolución bolxevique**, que supuxo a **retirada** de Rusia do conflito.

Non obstante, o feito decisivo foi a entrada de **Estados Unidos** na guerra a favor dos aliados.

A **ofensiva de 1918 e o final da guerra.**

Os **alemáns** non puideron resistir e rendéronse. O 11 de novembro de 1918 asinouose o armisticio entre Alemaña e os aliados. A guerra rematara.